


**FUNDACION LOTTO PA DEPORTE TA
LOGRANDO PASONAN GRANDI Y
HISTORICO CU TA BENEFICIA DEPORTE
DI ARUBA Y NOS DEPORTISTANAN**



WWW.SOLODIPUEBLO.COM



SOLODIPUEBLO@GMAIL.COM

ANOUK EMAN TA MISS UNIVERSE ARUBA 2024

Diasabra anochi, Anouk Eman a keda eligi como Miss Universe Aruba 2024. Eman a sobresali entre e 6 candidatanan y a gana e título.

Giulia Bresovar a keda como prome finalista. E certamen a tuma lugar den ballroom di Marriott Hotel, y awor Anouk lo ta representa Aruba den Miss Universe 2024 na México.




Den conversacion secreto: MERCA A OFRECE AMNESTIA NA MADURO PA ENTREGA PODER



MAYORNAN TA NA CAS TA DRUMI Y YIU SIN RIJBEWIJS TA TRIP CU AUTO DI SU MAYORNAN SIN PERMISO!



BRASIL NO TA ACEPTA SENTENCIA DI TSJ DI MADURO CU TA INTENTA SUBSTITUI E BOLUNTAD POPULAR



Minister Endy Croes:

FUNDACION LOTTO PA DEPORTE TA LOGRANDO PASONAN GRANDI Y HISTORICO CU TA BENEFICIA DEPORTE DI ARUBA Y NOS DEPORTISTANAN



“credit line” na banco y tabata constantemente den cora. Un total di 1.6 miyon florin den cora, cual tabata costa Lotto 15 mil florin di interes pa luna. Den transcurso di 1 aña y mey, a logra bah’e na o bek. Actualmente nan no ta uzando “credit line” y tin un maneho coherente cu ta

E aña aki SSA a ricibi pa prome biaha den historia 4.3 miyon florin. Pues ta logrando pasonan grandi y historico. E mandatario di Deporte a expresa cu e ta hopi contento cu e presentacion cu el a ricibi y ta felicita nan pa e fase nobo cu nan ta bayendo aden cu e traspaso di



Recientemente, Minister di Enseñansa y Deporte Endy Croes a asisti na un reunion di Hunta di Supervision hunto cu e bestuur di Fundacion Lotto pa Deporte. Durante e reunion, e bestuur a confirma cu a finalisa Cuenta Anual (Jaarrekening) 2020, Cuenta Anual 2021 y Cuenta Anual 2022. Nan a

splica cu e manera cu nan a ricibi Lotto pa Deporte di e maneho anterior na aña 2021, a costa nan hopi trabou. Mirando cu tabatin dos (2) diferente administracion, tabata dificil pa pone nan hunto pa tin e cuentanan anual na tempo. Pues, nan ta sumamente contento cu e maniobra cu nan a haci pa haal in e trabounan atrasa.

Tambe, nan a haci un promesa cu dentro di dos (2) luna Cuenta Anual (Jaarrekening) 2023 lo ta cla y aproba. Fuera di esaki, nan a garantisca cu desde otro aña den e luna di juni, Cuenta Anual 2024 lo ta cla, cumpliendo cu e Statuut. Nan a splica cu e maneho anterior di Lotto pa Deporte tabatin

scapa hopi placa cu por uza pa deporte.

Fuera di esaki, nan a splica loke nan tin reserva pa e proyectonan y pa Stichting Sportsubsidie Aruba (SSA).

Lotto den su totalidad, di acuerdo e contractnan firma cu CBN. Finalmente, Minister Endy Croes ta felicita Fundacion Lotto pa Deporte pa e gran trabou cu nan ta haciendo.

DEN CONVERSACION SECRETO: MERCA A OFRECE PORDON NA MADURO PA ENTREGA SU PODER

Segun e corant The Wall Street Journal, e gobierno di Biden a propone un plan pa duna amnistia na Nicolás Maduro y su alto funcionarinan den cambio pa un transicion di poder.


Esaki a bin despues cu tin prueba contundente cu ta mostra cu Maduro a perde e eleccion di 28 di juli.

E oferta ta inclui pordon pa Maduro y su aliadonan cu tin sancion den e Departamento di Husticia di Merca.

Un fuente a bisa cu e gobierno ta pone “tur cos riba mesa” pa convence Maduro pa renuncia prome cu su termino caba den januari. Apesar di e oferta, Maduro a sigui mantene su control riba poder y a detene mas di 2,400 persona. Segun experto, e manobra diplomatico di Merca ta un chance, y por ta e unico metodo pa forsa un cambio di lider cu a domina Venezuela durante 11 aña di forma autoritario.



NA ROOI SANTO CHAUFFEUR A PERDE CONTROL BAHA CAMINDA BAY DAL RIBA UN “STEUNPAAL” Y E CHAUFFEUR A RESULTA HERIDA




Diasabra anochi a drenta informe di un accidente cu hende herida na Rooi Santo, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda e chauffeur di un Nissan Versa a perde control baha caminda y bay dal un “steunpaal”.

E impacto tabata basta fuerte te cu e chauffeur a resulta herida.

Na yegada di e ambulans nan a atende e victima.



Minister Endy Croes:

A TRATA DIFERENTE PUNTO IMPORTANTE DURANTE E REUNION CU DEPARTAMENTO DI ENSEÑANSA ARUBA

: Recientemente, Minister di Enseñansa y Deporte Endy Croes a comparti informacion di e reunion semanal cu directora di Departamento di Enseñansa Aruba Sra. Anne-Marie Proveyer – Groot, directora suplente Sra. Sheila Maduro y Sra. Gina Ras – de Kort, unda a trata diferente punto importante relaciona cu enseñansa di Aruba. Tambe a alinea e maneho di enseñansa den su totalidad den preparacion pa e aña escolar 2024-2025. Ademá di esaki, a trata diferente proyecto

entre otro, e “Honden Project” cu lo wordo lansa den luna di september proximo. Den transcurso di e simannan nos dilanti lo duna mas informacion di e proyecto aki.

Tambe a trata e proyecto di Maneho di Idioma, unda cu e alumnonan di klas 1 di scol básico entrante e aña escolar nobo lo siña lesa y skirbi na Papiamentu. Ademá di esaki, a trata diferente peticion cu ta pega entre otro, Xavier University School of Medicine Aruba, unda a trata e inkietud

aki pa trece un solucion. Fuera di esaki, a trata e proyecto di digitalisacion, unda cu na inicio di luna di september proximo DEA tin un reunion cu FUTURA pa trata e parti di digitalisacion y tecnologia pa alinea e vision den totalidad.

Tambe a repasa diferente punto di interes di e Doorlichting Rapport manera, e avancen di e leynan cu ta den proceso di modernisacion. Sr. Luutsen de Vries ta trahando riba e proyecto di modernisacion di nos



leynan di enseñansa, cual ta recomendacion 11 di e Doorlichting Rapport.

A repasa e puntonan di interes pa e di dos mita di aña, esta di luna di augustus te cu december

2024 “Sigur por mira atras riba un otro reunion fructifero hunto cu DEA al respecto di e maneho di enseñansa den su totalidad”, Minister Endy Croes a finalisa.

Minister Geoffrey Wever:

MAS APLICANTENAN PA PRESTAMONAN NA INTERES ABAO VIA AGRI FUND ARUBA

Pa soluciona e necesidad pa acceso na financiamiento atractivo pa empresarionan den Agricultura comercial, gobierno hunto cu Qredits a establece un fondo yama Agri Fund. Meta di e Agri Fund ta pa facilita financiamiento na un interes atractivo pa (futuro) empresarionan den e sector di agricultura di Aruba. Cu e Agri Fund, Aruba ta pionero den maneho pa stimula na un manera concreto e potencial economico di e sector aki.

E Agri Fund lo ofrece financiamiento na un interes reduci di 2% pa sumanan entre Afl. 5.000 y Afl. 200.000. E suma total den e fondo ta 3 miyon florin pa financia e sector di agricultura comercial.

Desde inauguracion di e fondo agrícola Agrifund na maart 2024, seis (6) comerciante agricultor a ricibi conhuntamente AFL 935,000 Florin na fianza, na un interes sumamente abou di 2%. Actualmente tin 8 aplicante

den proceso pa un suma di Afl. 821.000. Esaki ta demostra cu e Agrifund ta un oportunidad pa comerciantenan agricultor haya fianza na un interes sumamente abao.

E aplicacionan pa prestamonan na un interes sumamente abao den e sector di agricultura comercial e AgriFund como instrumento di maneho ta demostra cu poco fondo financiero por logra concreto na beneficio di Aruba segun minister Geoffrey Wever.



Minister Geoffrey Wever ta gradici Qredits Aruba pa e confianza y bon cooperacion di semper y alabes ta invita tur comerciantenan agricultor pa haci uzo di AgriFund via Qredits Aruba.

Venezuela:

BRASIL NO TA ACEPTA SETENCIA DI TSJ DI MADURO CU TA INTENTA SUBSTITUI E BOLUNTAD POPULAR



Brasil a manda un advertencia fuerte pa Nicolas Maduro cu nan no lo acepta ningun sentencia di Tribunal Supremo di Justicia (TSJ) di Venezuela tocante e denuncia di fraude den eleccionnan presidencial.

E noticianan a sali na Clarín di Argentina, refiriendo na fuente gubernamental di Brasil, cu ta insiste cu “e regimen mester muestra e actanan” como prueba.

E instancia cu tin e poder pa determina e resultado electoral ta e Consejo Nacional Electoral (CNE) y no e Corte. Sinembargo, segun regulacionnan internacional y ley venezolano, e plazo pa haci esaki ya a caba.

Zair Mundaray, exfiscal venezolano, a bisa den su

cuenta di X cu Maduro a wordo convence cu un sentencia di Sala Electoral lo duna legitimidad cu CNE no por a duna. Mundaray a agrega cu e confusión ta reina den e mes TSJ, cu ta haya instructivo diferente tur dia.

Segun el'a bisa, e dictadura a confia cu nan aliado ideológiconan lo sigui e farsa, pero Colombia, México y Brasil no ta respalda esaki, haciendo cla cu e proceso no tin legitimidad.

Maduro no sa mas con pa hala atras e situacion y pa pone Diosdado Cabello pa publica cu no tin acta, ni prueba cu sustenta e resultado cu Elvis Amoroso, e titular di CNE a presenta.

Mientrastantk TSJ di Mashro a declara Edmundo González den “desacato”, un desicion cu ta hilarico segun instancianan di comunidad internacional, como e grupo IDEA y Centro Carter.

Maduro a presenta diabierna na sede di TSJ, un organismo controla pa su régimen, y a amenaza cu “loke Tribunal Supremo di Justicia bisa lo bira ley di e República.”

Brasil ta sigui insistí cu nan kier pa e actanan wordo presenta, mesa pa mesa i urna pa urna, i cu e desicion final lo mester bin di CNE, no di TSJ.

Danki!

Lo tabata difícil surpasa e reto cu a confronta di forma inespera.

Pero cu e sosten di:

- Departamentonan di gobierno
- Tur stakeholder di aeropuerto
- Autoridadnan
- Comunidad di Aeropuerto
- Acomodacionan
- Companianan di transporte
- Companianan local & estatal
- Especialmente tur empleado y voluntario di aeropuerto.

...nos a logra acomoda mayoria pasahero!

Nos ta sigui traha duro pa segura cu algo asina no ripiti.

Nos forsa, ta nos hendenan.

MAYORNAN TA NA CAS TA DRUMI Y YIU SIN RIJBEWIJS TA TRIP CU AUTO DI SU MAYORNAN SIN PERMISO!




Diadomingo madrugá polis a mira un pick-up sospechoso den Caya Ritmo y a para esakinan pa un control. A bin resulta cu yiu cu no tin rijbewijs a bay trip cu varios amigo den pick-up di su mayornan sin permiso di nan.

E amigonan a subi un otro auto y a bay laga nan amigo su so atras.

Polis a kita e yabi y pon'e yama su mayornan pa avisa na nan cu nan por pasa busca e yabi na warda di polis na Shaba.



CHAUFFEUR A SIGUI CORE BAY DESPUES DI A DAL AUTO NA ROTONDE EX-MARATHON



Diabierna anochi laat accidente na e rotonde a drenta informe di un banda di ex-Marathon,

mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run unda cu un auto biniendo for di pabao den Caya G.F. "Betico" Croes cu velocidad a bira bay zuid y a dal e Kia Picanto bir'e 90 grado y e auto a sigui core bay.

Afortunadamente ningun hende a resulta herida.



DURANTE ANOCHI PA MAINTA LADRONNAN A DESTRUI BENTANA DI UN AUTO Y HORTA SU BATERIA



Diasabra mainta a drenta informe di un caso di

destruccion y ladroncia for di un auto na Solito, mesora a dirigi un patruya na e sitio. Na yegada di e patruya a bin compronde cu den e oranan di anochi pa mainta desconocidonan a destrui e bentana di un Kia Picanto y a drenta horta e bateria. Polis a tuma e keho y a keda di bay revisa e camaranan di seguridad den cercania.




MIENTRAS TRAHADO TA NA TRABAO UN MATA GRANDI A CAY RIBA SU AUTO Y DESTRUI ESAKI



Diasabra anochi a drenta informe di cu un mata grandi a cay riba un auto banda di Riu Antillas, mesora a dirigi un patruya na e sitio. Na yegada di e patruya a bin nota cu un mata grandi a cay ribdena auto di un trahado trahando paden. Polis a busca e doño di auto pa avis'e mientras a pidi pa D.O.W. bin corta e mata.



POLIS A DETENE DAMA CHAUFFEUR BURACHI CU A CAUSA ACCIDENTE FRONTAL CU OTRO AUTO



Diabierna anochi a drenta informe di un accidente na rotonde Noord, mesora a dirigi un patruya na e sitio. Na yegada di e patruya a bin compronde cu aki ta trata di un accidente frontal unda e dama chauffeur di un Nissan March a bay dal frontal riba un Nissan Tiida di direccion contrario. Polis a nota cu e dama chauffeur di e March ta burachi y a detene. Afortunadamente ningun hende a resulta herida.

Prome Minister Evelyn Wever-Croes:

APERTURA DI RECRUITMENT OFFICE DI SECRETS ARUBA

Secrets ta crea oportunidad di empleo specialmente pa esnan cu ta biba na San Nicolas



Diabierna 9 di augustus Prome Minister Evelyn Wever-Croes

tawata presente pa e apertura di e Recruitment Office di Secrets Aruba. E oficina aki ta situa na e edificio di Arubus San Nicolas. Akinan un ekipo local profesional lo atende tur esnan cu ta bin solicita

pa e trabounan cu Secrets ta ofrece.

Secrets lo habri fin di 2024 y ta crea oportunidad di empleo specialmente pa esnan cu ta biba na San Nicolas. E cadena di hotel aki ta uno reconoci rond di mundo, y ta un tremendo oportunidad di empleo

cu bon beneficianan pa e trahadonan.

Prome Minister ta haci un invitacion na henter e comunidad pariba di brug pa pasa e recruitment center, busca informacion di e trabounan cu Secrets ta ofrece y entrega un aplicacion pa asina abo tambe por forma parti di e hotel prestigioso aki.

“Cu Secrets ta cuminsa

un capitulo nobo pa San Nicolas. E desaroyo di San Nicolas ta locual lo hiba e desaroyo di Aruba na e siguiente nivel y lo nifica e diversificacion di e economia di Aruba. Mi ta haci un apelacion na e comunidad pariba di brug pa bin solicita. Aruba mester di bo labor na Secrets, e exito di e hotel aki ta bay depende di boso cu lo labora eynan. Mi deseo ta pa den algun luna

ora e hotel habri nos por mira caranan di nos propio yiunan di tera laborando na Secrets.

Mi palabra di gradicimento na Secrets pa pone nan confiansa den Aruba den bon y den menos bon tempo. Mi ta desea Grupo Martinon, pero especialmente cada un persona cu ta bay traha na Secrets hopi exito”, Prome Minister a expresa.

OPPA TA CELEBRA SU 36 ANIVERSARIO



36 Aña pasa un grupo di pensionado Publico a sinti e necesidad di tin un representacion den nos comunidad.

Pa celebra e di 36 aniversario di OPPA, ta organisando un Tropical Lunch Dansant, diasabra dia 24 augustus, di 10 am

pa 3 pm. Pa mas informacion por bel oficina di OPPA entre 9 am-12 pm di dialuna pa diabierna!



Dia 26 augustus 1988, Organizacion di Pensionado Publico di Aruba, OPPA, a ser funda. OPPA e tempo ey tabatin apenas 59 miembro bou guia di sr. Julio Anthony Dorothal. E contribucion pa e miembrecia e tempo ey tabata apenas 5 florin. OPPA tabata duna conseho na e miembronan y ta yuda cu asistencia huridico te unda ta posibel y necesario. Durante e añanan e miembrecia a sigui crece.



Na e di 33 Aniversario, den temporada di Covid, cu hopi orguyo y esfuerso e directiva di e tempo ey a logra nan mesun edificio cu ta hiba e nomber di CAS DI OPPA.



Actualmente OPPA ta conta cu casi 1600 miembro y miembrecia awor ta solamente 10 florin pa luna. Ta hopi charla y actividadnan OPPA ta organisa pa e miembronan den den Cas Di OPPA y fiesta bailabel riba e conocido Plenchi di OPPA.



Taekwondo Team Aruba a participa na un scrimmage na Florida



Taekwondo Team Aruba ta focus hopi ariba e preparacion di e atletanan y nan crecemento den Taekwondo. Pa e motibo aki, nan ta participa na training y campeonatonan den exterior pa asina nan subi nan nivel mas y mas.

Na Florida dos scol di Taekwondo y e atletanan di Taekwondo Team Aruba a bataya y no tabata facil, pero e atletanan di Taekwondo Team Aruba a logra nan meta. Nan a bin bek Aruba cu 9 medaya di e 9 atletanan cu a representa Aruba na e scrimmage.

Na tur parti di Mundo ta inverti miyones den nan categoria infantil y cadet pa crea un base solido pa ora nan bira junior y senior nan ta na e nivel Mundial.

Taekwondo Team Aruba ta enfoca hopi ariba e team cu tin actualmente y training aki na Aruba ta un compromiso.

Master Yoshmar Wever y Master Clifford Rasmijn ta enfoca masha hopi ariba e desaroyo di tur e atletanan. TK5 ta dilanti porta y Aruba tin cu defende su titulo.



Taekwondo Team Aruba a presenta e relato di biahe di Miami



Taekwondo Team Aruba a presenta e relato di biahe di Miami durante un reunion. E team a biaha dia 29 di Juli pa 1 di Augustus 2024 pa participa na training y scrimmage organisa pa Master Russell Beneby y Master Antwaun Wilson.

Mayornan presente a keda hopi contento cu e relato. Nan a wak tur recibo di e gastonan den e relato di biahe di Miami. Tur gasto tabata minino y controla pa Ivan Jansen pa spaar placa pa e siguiente biahe.

E biahe a wordo realisa

danki na e bendemento di rifa cu tabata tin y colect cu a wordo haci door di e atletanan grandi. Tur placa ta wordo usa solamente pa cubri e gasto y biahenan di Taekwondo Team Aruba.

Den e dianan aki, Taekwondo Team Aruba ta rifa un



Mini iPad, specialmente pa Back to School pa recauda fondo pa e biahe pa Corsou di e team di TK5.

Taekwondo Team Aruba ta gradici Pueblo di Aruba cu semper ta contribui cu rifa y colect.

Polisnan di e brigada motorisa y patruya di Noord a bay Semeleerstraat pa brommer y scooter cu ta core zuid nort



Diasabra mainta despues di cu pa varios dia reclamo ta

drenta di motociclistanan ta pasa core zuid nort haci

boroto den Semeleerstraat. Nan a reuni e patruyan



pa un plan pa baha strategicamente den e caya pero na e ocasion aki ya e moto-

ciclistanan a stop. Pero ta keda pendiente pa e proximo ocasion.

Japon: Falta di producto despues di alerta di posibel “mega-terremoto”



E alerta di autoridadnan
japones riba e posibilidad di
un “megaterremoto” a crea
un reaccion den pueblo, cu
a sali pa cumpra producto
di necesidad primario.

Segun un portal japonés, e

artículo di mas demanda ta
wc portatil, comestible en-
lata y awa den botter.

Aunke mayoria ta preocupada, ta cla cu nan ta prepara pa enfrenta un sismo di gran magnitud.


Polis a bay yuda un famia busca familiar cu ta perdi y ta sufri di alzheimer



Diasabra anochi a drenta informe di cu un famia ta rondiendo un familiar cu ta sufri di alzhheimerna y nan a perde for di bista na altura di Neptali Henriquez Park.

Nan a busk'e rond pero no a logra hay'e un rato despues un bisiña den Vondellaan a logra mir'e y a avisa polis.

Na yegada di polis a topa
cun'e y a avisa e famia cu a
core bin busk'e.



Minister Dangui Oduber

MINISTERIO DI SALUD PUBLICO TA ANUNCIA CU TA DEN ULTIMO FASE PA LOGRA IMPORTACION DI CARNI DI BACA FOR DI COLOMBIA



ORANJESTAD – Minister di Turismo y Salud Publico, sr. Dangui Oduber, tin e placer di anuncia cu ta den e fase final di evaluacion pa por reanuda importacion di carni di baca for di Colombia. Pa por a yega na e fase aki a sigui un proceso amplio y responsabel pa por garantiza e seguridad sanitario di e carni. Actualmente por importa solamente carni for di abattoirnan di Merca of paisnan miembro di Union Europeo, of for di abattoirnan cu ta autorisa pa exporta pa Merca of Union Europeo.

Den cuadro di e evaluacion pa por reanuda importacion di carni di baca for di Colombia, na mei aña pasa representantenan di Ministerio di Turismo y Salud Publico a forma parti di e Mision Comercial cu a bishita Colombia, cual a ser organisa pa Ministerio di Asuntonan Economico, Comunicacion y Desaroyo Sostenibel, conhuntamente cu Camara di Comercio di Aruba, den cooperacion cu Embahada di Reino y Holland House na Bogota.



Durante e Mision Comercial a tene reunionan cu entre otro e instancianan concerni, esta e Instituto Nacional de Vigilancia y Alimentos (INVIMA), y e Instituto Colombiano Agropecuario (ICA). Tambe a haya varios presentacion di representantenan di e sector agropecuario y a bishita entre otro un laboratorio moderno cu ta haci pruebanan pa garantiza seguridad y calidad di carni.

Durante dicho bishita por a constata a prima vista cu Colombia den transcurso di añanan a construi un

sistema di supervision di seguridad y calidad di carni pa consumo humano di alto nivel, y a base di esey ta exporta pa como 84 pais rond mundo, incluyendo nos hermana isla Corsou. Tambe a constata cu varios compania cu tin abattoir y ta exporta desde Colombia, ta companian multinacional cu standardnan halto di calidad cu ya ta exporta varios otro producto alimenticio pa Aruba y/of ta exporta carni pa Aruba for di nan plantanan estableci den otro paisnan.

Den cuadro di e evalu-

acion pa por reanuda importacion di carni di baca for di Colombia, recientemente representantenan di Ministerio di Turismo y Salud Publico, y di Departamento Veterinario, a forma parti como observador di un auditoria di e Organizacion Ejecutiva de Asuntonan Veterinario di Corsou, di abatiornan na Colombia. Den cuadro di e auditoria aki e Organizacion a wordo asisti pa un experto di e “Nederlandse Voedsel en Warenautoriteit”. A base di e bishita ey por a confirma hunto cu expertonan for di Reino Hulandes e calidad di e sistema di supervision di Colombia pa cu e seguridad y calidad di carni pa consumo humano. Ademá tin un otro desaroyo relevante: Colombia a avansa medio juli 2024 di “Step 3B” pa “Step 4” di e evaluacion di USDA (cu ta consisti di 6 “Steps”), cual ta demostra cu Colombia ta avansando den su esfuerzonan continuo pa den un futuro lo por bay exporta carni pa e mercado Mericano.

Awo Ministerio di Turismo y Salud Publico a yega na e fase final, cual ta stipula e terminonan di exportacion a base di un acuerdo bilateral (“Protocol Sanitario”) den cual ta acorda e exigencianan pa por garantiza e proceso di exportacion conforme standardnan halto di calidad y seguridad. Ministerio di Turismo y Salud Publico ta den e fase final di e proceso aki, y ta den dia-



logo cu tur e instancianan concerni pa finalisa y logra e cambio aki.

Pues Ministerio di Turismo y Salud Publico, den cooperacion cu Ministerio di Asuntonan Economico, Comunicacion y Desaroyo Sostenibel, y den consulta cu varios instancia Gubernamental den Reino Hulandes y di Colombia, ta sumamente avansa riba tema di importacion di carni di baca for di Colombia, y ta premira cu, despues di como 20 aña, pronto lo por reanuda esaki.

E iniciativa pa importa carni di baca for di Colombia tawata pa largo tempo un e deseo di Minister Dangui Oduber y Gabinete Wever-Croes, pa asina e mercado lo por ofrece carni na un miho prijs na e comunidad di Aruba. Pa medio di e cambio den e maneho di importacion, pues ta bai logra ofrece un opcion mas di unda carni di baca lo por wordo importa, asina creando variedad y yuda na baha e costo di bida pa varios hogar aki na Aruba.

INTELIGENCIA DI UN MUCHA NO TA DEPENDE DI SU NOTANAN



Aunke cu nos sa cu e inteligencia di un mucha no ta depende di su notanan, manera con nos ta laga nos mes como mayor, impresiona cu e cualificacionnan!

Un excelente ta yena nos di orguyo, un onvoldoende of suspension, ta decepciona nos, manera cu e nota aki lo defini kende nos yiu ta y cualnan ta su capacidadnan. E cualificacionnan escolar ta un forma di midi un conocimiento. Sin embargo, no ta duna cuenta di e esfuerso y e dedicacion cu e mucha a inverti den e proceso di aprendisahe. Tampoco ta demostra si efectivamente e mucha a siña algo di forma consistente. Un mucha cu un bon memoria, kisas ta obtene bon punto.

Un mucha cu un inteligencia distinto den e materia den cual e ta wordo evalua, por haya onvoldoende. Sin embargo, den e materia vincula cu su tipo di inteligencia, seguramente e lo ta exitoso.

Inteligencia di e mucha
Si. Segun e psicologo y investigador Howard Gardner, den cda persona tin ocho tipo di inteligencia of habilidadnan cognoscitivo. E teroia di inteligencianan multiple aki, ta reconoci den hopi ambito educativo.

Di acuerdo cu e planteamento di e profesor Mericano aki, no ta existi un unico inteligencia unico humano. Tin un diversidad di inteligencia, cu ta marca e potencialidad, fortaleza y debilidadnan cu cada individuo tin y cu lo marca su actuacion den distinto escenario. E teoria di inteligencianan multiple aki,


ta permiti balora, compronde y stimula e potencialidadnan di cda mucha, mas leu di loke por midi un indice di conciente intelectual. Bo yiu tin tur e tipo di inteligencianan aki, solamente cu uno ta mas preponderante cu otro. E inteligencia di e mucha pa matematica, por yud'e tin bon resultado. Sin embargo, no lo ta igual si e inteligencia pa linguistica of pa deporte ta mas debil. Tur esaki ta pone den evidencia e berdada cu e notanan no ta representa e inteligencia di e mucha. E tiponan di inteligencia

Inteligencia linguistico
E muchanan cu e tipo di inteligencia aki ta siña skirbi, lesa, conta cuenta of haci crucigrama cu suma facilidad. Su lenguahe orral ta asina bon como esun skirbi. E tin facilidad pa siña idioma.

Inteligencia logico-matematica
Muchanan cu ta resolve cu facilidad problemanan aritmetico, problemanan di logica-matematica, weganan di strategia y experimento. Na esunnan cu e tipo di inteligencia aki ta resulta nan hopi facil resolve pruebanan di conciente intelectual.

Inteligencia visual y espacial
Muchanan cu gusta dedica nan tempo liber pa pinta, gusta resolve puzzel of ta prefera weganan di construccion, tin e tipo di inteligencia aki. Nan ta pensa den imagen y dibujo.

Inteligencia musical
Ta muchanan cu ta disfruta, siña y aprecia e cancionnan y musica. Nan ta identifica cu facilidad sonidonan. Nan tin e facilidad pa siña toca un instrumento musical.



OLIVE TREE'S
PRE-PAID
FUNERAL PLAN

PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com


SUDOKU

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9


1			11				3
	22		17		19		
				16			
		13		15			
	25				15		
			10				
6							8

ARUBA Campeon Concacaf Girls U15





Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 11 Aug 2024 Merdia




Sorteo # 4354


0660

1485

4434




X2




Sorteo # 4354

2499




X2



Sorteo # 2410


5324



Sorteo # 4354


6511

Aries




Sorteo # 1228

495



FP



Sorteo #

0 x Jackpot

0 x Match 4+

0 x Match 4


0 x Afl. 12,00

Joker

Letter

Proximo Jackpot

185.000,-



Sorteo # 6560

0 x Jackpot


0 x Match 4

84 x Afl 8,00

14-19-21-23-28

Proximo Jackpot

62.000,-



Sorteo #

0 x Jackpot

0 x match 4

0 x Afl. 500,00


0 x Afl 50,00

0 x Afl.15,00


Mega Ball

Proximo Jackpot


550.000,-



Afl. 825.000,-





Sorteo #




- Aruba a hunga e wega final contra St. Lucia.
- Aruba ta sali campeon 2-1
- Golnan anota pa Adannayah Breinburg 1 Zayana Rodgers 1
- Anja pasa Aruba a sali sub campeon den CFU U14 y anja aki Aruba ta gana Campeon di Concacaf U15


Clasificados



SOLODIPUEBLO@GMAIL.COM


CEL.585 9500





STICHTING VOOR VOLKSHYGIENE VAN
Het Wit Gele Kruis Aruba
Sinds 1959 ten dienste van de Arubaanse gemeenschap
Postbus 488, Oranjestad

Cu inmenso tristeza na nos curazon, directiva, staff y personal ta participa fayecimento di:



Sra. Vda. Petra Maria Labad-Tromp

Mama di nos Colega Monique Giel-Labad.

Nos ta extende nos mas profundo condolencia na demas famianan y hopi forza den e momentonan dificil aki.

Cu Petra drumi dushi den brasa di Señor

Tubo di hero a cay riba cables di mecanico na un garashi na Morgenster



Diasabra atardi a drenta in-
forme di un incidente na un
garashi na Morgenster, me-

sora a dirigi un ambulans
na e sitio. Na yegada di e
ambulans nan a topa e vic-

tima herida y nan a atende y
transporte pa hospital.



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na
585-9500 of na 741-4554

ORACION DI DIA



Un dia fructifero colma cu e bendicion y
forsa di ariba y yena cu Spirito Santo

"Pasobra esun cu Dios a manda ta papia palabra di
Dios; pasobra Dios ta dun'E Spirito Santo na abun-
dancia." Huan 3, 34

Dios a manda Hesus pa siña cada un di nos con nos
mester biba. Cu nos mester kere y obedece Dios. Kere

den Esun cu Dios a manda, acept'E y
respet'E. Ta berdad cu nos ta biba riba e mundo aki
pero nos no ta pertenece na e mundo aki. Nada di e
mundo aki por duna nos e felicidad

berdadero. Solo Dios por haci e hende feliz. P'esey
laga nos haci nos maximo esfuerso pa agrada Dios y
biba di acuerdo cu Su santo boluntad.

Ban pidi Dios pa prepara nos pa ricibi Esun cu E lo
manda for di shelo pa nos mescos cu E la baha riba

Hesus riba dia di Su bautismo cu ta e

Spirito Santo di Dios. E ta Esun cu ta yuda nos y
siña nos loke ta e berdad pa nos keda pertenece na
Su reino y nos por ta e testimonio cu ta confirma cu
Dios semper ta e berdad. Door di esey nos ta haya
un bida nobo hunto cu Hesus cu a resucita canando
riba e caminda di bida eterno. E unico caminda,
berdad y bida cu ta hiba nos na salvacion.

Oracion: Tata Celestial duna nos e gracia pa acepta,
kere y respeta Bo Palabra. Laga Bo Spirito Santo por
baha riba nos y duna nos e uncion cu
semper Bo tin warda pa nos. Amen.